

- V. Salvum me fac in tua misericordia.
 R. Domina non confundar, quoniam invocavi te.
 V. Ora pro nobis peccatoribus.
 R. Nunc, et in hora mortis nostræ. Amen.
 V. Domina exaudi orationem meam.
 R. Et clamor meus ad te veniat.

OREMUS.

Propter doloris gladium, qui pertransivit animam tuam, Virgo dulcissima, quando Filium tuum dilectissimum cernebas nudum in Cruce levatum, clavis perforatum, ac per omnia laceratum plagis, ac verberibus, necnon et vulneribus: adjuva nos ad nostram Sanctam vocationem leviticam conservandam, et ut et cor nostrum nunc compassionis, et compunctionis gladius perfodiat, divinique amoris lancea vulneret; ita ut omnis peccati sanguis effluat à pectore nostro, et à noxiis vitiis emundemur, virtutum indumentis decoremur, semperque mente, ac corde de hac valle miseræ levemur ad cœlestia, quo tandem, cum promissus dies advenit, pervenire spirita, et corpore mereamur, præstante eodem Domino nostro Jesu Christo Filio tuo, qui cum Patre, etc.

- R. Amen.
 V. Ora pro nobis sancta Dei genitrix.
 R. Ut digni efficiamur promissionibus Christi.
 V. Requiescamus in pace.
 R. Amen.

Te Matrem, et reliqua, ut in Dominica, pagina 255.

FERIA QUINTA.

AVE MARIA.

Cum reliquis, ut pagina 249.

ANTIPH. CONFORTA DOMINA.

Psalm. C.

Misericordiam, et judicium cantabo tibi Domina: psallam tibi in exultatione cordis, cum lætificaveris animam meam.

Laudabo nomen tuum, et gloriam tuam: et præstabis refrigerium animæ meæ.

Zelatus sum amorem, et honorem tuum: ideo defendas causam meam ante judicem sæculorum

Afflectus sum gratia, et bonitate tua: oro, ne frauder à spe, et confidentia bona.

Conforta animam meam in novissimis meis: et in carne ista me fac meum conspiciere Salvatorem.

Jesu tibi sit gloria, etc.

Antiph. Conforta Domina animam meam in novissimis: et defende causam meam ante Judicem sæculorum.

Antiph. Da Domina.

Psalm. CIII.

Benedic anima mea Virgini Mariæ: honor, et magnificentia ejus in perpetuum.

Formositatem, et pulchritudinem induisti, ô dulcis Maria: amicta es fulgenti, ac splendenti vestimento.

De te procedit peccatorum medela: pacis disciplina, et fervor charitatis.

Imple nos servos tuos virtutibus sanctis: et ira Dei non appropinquet nobis.

Da bravium victoriæ sperantibus in te: et noli eos oblivisce in certamine mortis.

Jesu tibi sit gloria, etc.

Antiph. Da Domina servitoribus tuis jucunditatem æternam: et noli eos oblivisci in certamine mortis.

Añ. Non expavescent.

Psalm. CX.

Confitebor tibi Domina in toto corde meo: glorificabo te in tota mente mea.

Opera gratiæ tuæ commemorabuntur: et testamentum misericordiæ tuæ ante thronum Dei:

Per te missa est redemptio à Deo: ideo populus pœnitens habebit spem salutis.

Intellectus bonus omnibus honorantibus te: et sors illorum erit inter Angelos pacis.

Gloriosum et admirabile est nomen tuum:

qui illud in corde retinent, non expavescent in puncto mortis.

Jesu tibi sit gloria, etc.

Antiph. Non expavescent Domina, in puncto mortis, qui invocant nomen tuum: et sors illorum erit inter Angelos pacis.

Antiph. In exitu.

Psalm. CXIII.

In exitu animæ meæ de hoc mundo: occurre illi Domina, et suscipe illam.

Consolare eam vultu sancto tuo: aspectus dæmonis non conturbet eam.

Esto illi scala ad Regnum cœlorum: et iter rectum ad paradysum Dei.

Impetra ei à Patre indulgentiam pacis: et sedem lucis inter servos tuos.

Sustine devotos tuos ante Tribunal Christi: suscipe causam illorum in manibus tuis.

Jesu tibi sit gloria, etc.

Antiph. In exitu animæ meæ de hoc mundo: occurri illi Domina, et suscipe eam.

Antiph. Circumdederunt.

Psalm. CXIV.

Dilexi Matrem Domini Dei mei: et lux miserationum ejus infulsit mihi.

Circumdederunt me dolores mortis: sed visitatio Mariæ lætificavit me.

Dolorem, et periculum incurri: et recreatus sum gratia illius.

Nomen ejus, et memoria illius sit in medio cordis nostri: et nobis non nocebit ictus malignantis.

Convertere anima mea in laudem ipsius: et refrigerium invenies in novissimis tuis.

Jesu tibi sit gloria, etc.

Antiph. Circumdede runt me dolores mortis: et visitatio Mariæ lætificavit me.

PRECES.

V. Maria mater gratiæ, mater misericordiæ.

R. Tu nos ab hoste protege, et hora mortis suscipe.

V. Illumina oculos meos, ne unquam obdormiam in morte.

R. Nequando dicat inimicus meus, prævalui adversus eum.

V. Salva me ex ore leonis.

R. Et de manu canis unicam meam.

V. Salvum me fac in tua misericordia.

R. Domina non confundar, quoniam invocavi te.

V. Ora pro nobis peccatoribus.

R. Nunc, et in hora mortis nostræ. Amen.

V. Domina exaudi orationem meam.

R. Et clamor meus ad te veniat.

OREMUS.

Propter gravamen, et tormentum, quo torquebatur spiritus tuus Virgo sanctissima, quando juxta Crucem Filiûm tuum præ doloribus voce magna clamantem, te Matrem dilectam Joanni commendantem in manusque Dei Patris spiritum tradentem attendebas: succurre nobis tempore tentationis adversus sanctam ecclesiasticam vocationem, atque juva nobis in fine vitæ nostræ, et maximè tunc, quando lingua nostra nequiverit se ad te invocandum movere: cum oculi nostri lumine privabuntur, aures surdescent, et obturabuntur, omnesque vires sensuum nostrorum deficient. Memento, piissima Domina, tunc, quod nunc fundimus preces ad aures tuæ pietatis, et clementiæ, et subveni nobis in illa hora extremæ necessitatis, ac Filio tuo dilectissimo commenda spiritum nostrum, per quem tuo interventu, à tormentis, et terroribus omnibus eruamur, et ad desideratam cœlestis patriæ requiem perducamur. Præstante eodem Domino nostro Jesu Christo Filio tuo, qui cum Patre, et Spiritu Sancto vivit, et regnat, etc.

V. Ora pro nobis sancta Dei genitrix.

R. Ut digni efficiamur promissionibus Christi.

V. Requiescamus in pace.

R. Amen.

Te Matrem, et reliqua, ut in Dominica, pagina 255.

FERIA SEXTA.

AVE MARIA.

Cum reliquis, ut pagina 249.

ANTIPH. IN DIE MORTIS.

Psalm. CXIX.

Ad Dominam Mariam cum tribularer, clama-
vi: et exaudivit me.

Domina libera nos ab omni malo: cunctis
diebus vitæ nostræ.

Contere caput draconis inimici nostri: pede
insuperabilis virtutis tuæ.

Quemadmodum exultavit spiritus tuos in
Deo salutari tuo: sic veram digneris infundere
lætitiâ cordi meo

Ad Dominum accede rogatura pro nobis: ut
per te nostra peccata deleantur.

Jesu tibi sit gloria, etc.

Antiph. In die mortis nostræ infunde nobis
Domina veram lætitiâ, sicut exultavit spiritus
tuus in Deo salutari tuo.

Antiph. Impetra nobis.

Psalm. CXXI.

Lætatus sum in te, Regina cæli: quia, te du-
ce, in domum Domini ibimus.

Jerusalem cœlestis civitas: ad te, Maria con-
ducente, deveniamus.

Pacem, et indulgentiam, Virgo, nobis impe-
tra: et palmam de hostibus, et triumphum.

Conforta, et consolare cor nostrum tuæ dul-
cedine pietatis.

Sic Domina tuam in nobis infunde clemen-
tiam: ut devotè in Domino moriamur.

Jesu tibi sit gloria, etc.

Antiph. Impetra nobis Domina pacem et in-
dulgentiam, ut devotè in Domino moriamur.

Antiph. Releva.

Psalm. CXXIV.

Qui confidunt in te Mater Dei: non timebunt
à facie inimici.

Gaudete, et exultate omnes, qui diligitis Ma-
riam: quia adjuvavit vos in die tribulationis
vestræ.

Reminiscere miserationum tuarum Domina:
et releva peregrinationem incolatus nostri.

Converte amabilem vultum tuum super nos:
confunde, et destrue omnes inimicos nostros.

Benedicta sint omnia opera manuum tua-
rum Domina: benedicta sint omnia sancta mi-
racula tua.

Jesu tibi sit gloria, etc.

Antiph. Releva Domina peregrinationem in-

colatus nostri: et adjuva nos in die tribulationis.

Antiph. Fac Domina.

Psalm. CXXVIII.

Sæpè expugnaverunt me à juventute mea inimici mei: libera me Domina, et vindica me ab ipsis.

Ne des illis potestatem in animam meam: custodi omnia interiora, et exteriora mea.

Obtine nobis veniam peccatorum et per te sancti Spiritus gratia nobis detur.

Fac nos dignè, et laudabiliter pœnitere: ut beato fine ad Deum veniamus.

Placatum tunc, ac serenissimum nobis ostende gloriosum fructum ventris tui.

Jesu tibi sit gloria, etc.

Antiph. Fac Domina, ut beato fine ad eum veniamus, et ostende nobis tunc placatum, gloriosum fructum ventris tui.

Antiph. Deduc me.

Psalm. CXXIX.

De profundis clamavi ad te Domina: Domina exaudi vocem meam.

Fiant aures tuæ intendentes: in vocem laudis, et glorificationis tuæ.

Libera me de manu adversariorum meorum:

confunde, et dissipa ingenia, et conatus eorum contra me.

Erue me in die mala: et in die mortis ne obliviscaris animæ meæ.

Deduc me ad portum salutis, et inter justos escribatur nomen meum.

Jesu tibi sit gloria, etc.

Antiph. Deduc me Domina ad portum salutis: et in die mortis ne obliviscaris animæ meæ.

PRECES.

V. Maria mater gratiæ, mater misericordiæ.

R. Tu nos ab hoste protege, et hora mortis suscipe.

V. Illumina oculos meos, ne unquam obdormiam in morte.

R. Nequando dicat inimicus meus, prævalui adversus eum.

V. Salva me ex ore leonis.

R. Et de manu canis unicam meam.

V. Salvum me fac in tua misericordia.

R. Domina non confundar, quoniam invocavi te.

V. Ora pro nobis peccatoribus.

R. Nunc, et in hora mortis nostræ. Amen.

V. Domina exaudi orationem meam.

R. Et clamor meus ad te veniat.

OREMUS.

Propter planctum acerbi ejulatus, quem pro-

fundo pectoris fonte manante abscondere non valebas Virgo castissima, quando, ut piè creditur, in amplexus ruebas exanimi corporis Filii tui de Cruce depositi, cujus genas antè nitentes, et ora rutilantia, mortis conspiciebas perfundi palloribus, ipsumque totum concussum cernebas lividum livoribus, ac concisum vulnere super vulnus: auxiliare nobis tempore tentationis aduersus sanctam sacerdotalem vocationem, atque ut nunc sic nostra plangamus facinora, et emplastris pœnitentiæ peccatorum curemus vulnera, ut dum corpus nostrum morte deformatur, nostra tunc rutilet anima candore innocentiae, quatenus digni simus frui mellifluis osculis, constringamurque amorosis amplexibus super omnia dulcissimi Filii tui Domini nostri Jesu Christi, qui cum Patre, et Spiritu Sancto vivit, et regnat, etc.

V. Ora pro nobis sancta Dei genitrix.

R. Ut digni efficiamur promissionibus Christi.

V. Requiescamus in pace.

R. Amen.

Te Matrem, et reliqua, ut in Dominica,
pag. 255.

SABBATO.

AVE MARIA.

Cum reliquis, ut pagina 249.

ANTIPH. CONFORTA NOS.

Psalm. CXXX.

Domina non est exaltatum cor meum: neque sublevati sunt oculi mei.

Benedixit te Dominus in virtute sua: qui per te ad nihilum redegit inimicos nostros.

Benedictus sit, qui te à peccato præservavit, et mundam de matris utero te produxit.

Benedictus sit qui te abumbravit: et sua gratia te fœcundavit.

Benedic nos Domina, et conforta nos in gratia tua: ut per te ante conspectum Domini præsentemur.

Jesu tibi sit gloria, etc.

Antiph. Conforta nos Domina in die mortis: ut per te ante conspectum Domini præsentemur.

Antiph. Respiremus.

Psalm. CXXXIV.

Laudate nomen Domini: benedicite nomen Mariæ Matris ejus.

Mariæ precamina frequentate: et suscitabit in vobis voluptates bonas.

In anima contrita veniamus ad illam: et non prævalevit adversum nos cupiditas peccati.

Qui cogiat de illa in tranquillitate mentis: invenit dulcorem, et requiem pacis.

Respiremus ad illam in finitione nostra: te reserabit nobis atria triumphantium.

Jesu tibi sit gloria, etc.

Antiph. Respiremus ad Mariam in die mortis nostræ: et reserabit nobis atria triumphantium.

Antiph. In quacumque.

Psalm. CXXXVII.

Confitebor tibi Domina in toto corde meo: quia per te expertus sum clementiam Jesu Christi.

Audi Domina verba mea, et preces meas: et in conspectu Angelorum cantabo tibi laudes.

In quacumque die invocavero te, exaudi me, et multiplica virtutem in anima mea.

Confiteantur tibi omnes tribus, et linguæ: quia per te salus restituta est nobis.

Ab omni perturbatione libera servos tuos: et fac eos vivere sub pace, et protectione tua.

Jesu tibi sit gloria, etc.

Añs. In quacumque die invocavero te Domi-

na, exaudi me: et multiplica virtutem in anima mea.

Antiph. Hostis meus.

Psalm. CXLI.

Voce mea ad Dominam clamavi: ipsamque humiliter deprecatus sum.

Effudi in conspectu ejus lacrymas meas: et dolorem meum ei exposui.

Insidiatur hostis calcaneo meo: extendit contra me rete suum.

Adjuva me Domina, ne corruam coram eo: fac ut conteratur sub pedibus meis.

Educ de carece animam meam, ut confiteatur tibi, et psallat Domino Deo forti in perpetuum.

Jesu tibi sit gloria, etc.

Antiph. Hostis meus insidiatur calcaneo meo: adjuva me Domina, ne corruam coram eo.

Antiph. Cum exierit.

Psalm. CXLV.

Lauda anima mea Dominam: glorificabo eam quandiu vixero.

Nolite cessare à laudibus illius: et per singula momenta recogitate illum.

Cum exierit spiritus meus, Domina, sit tibi commendatus: et in terra ignota præsta illi ductum.

Non conturbent eum culpæ prius commissæ: nec inquietent ipsum occursum malignantis.

Perduc eam ad portum salutarem: ubi prætoletur secure adventum Redemptoris.

Jesu tibi sit gloria, etc.

Antiph. Cum exierit, Domina, spiritus meus, sit tibi commendatus: et in terra ignota præsta illi ducatum.

PRECES.

V. Maria mater gratiæ, mater misericordiæ.

R. Tu nos ab hoste protege, et hora mortis suscipe.

V. Illumina oculos meos, ne unquam obdormiam in morte.

R. Nequando dicat inimicus meus, prævalui adversus eum.

V. Salva me ex ore leonis.

R. Et de manu canis unicam meam.

V. Salvum me fac in tua misericordia.

R. Domina non confundar, quoniam invocavi te.

V. Ora pro nobis peccatoribus.

R. Nunc, et in hora mortis nostræ. Amen.

V. Domina exaudi orationem meam.

R. Et clamor meus ad te veniat.

OREMUS.

Propter singultus, et suspiria, indicibiliaque lamenta, quibus affligebantur intima tua, Vir go gloriosissima, quando Filium tuum unige-

nitum animæ tuæ solatium tibi sublatum, et sepultum videbas concede propitius fidelissimam sanctæ vocationis sacerdotalis conservationem, atque ad nos exules filios Hevæ ad te clamantes, et suspirantes in hac valle lacrymarum, illos tuos misericordes oculos converte: et Jesum benedictum fructum ventris tui nobis post hoc exilium ostende, tuisque suffragantibus meritis, Ecclesiasticis fac Sacramentis muniri, et sine beato consummatos æterno Judici tandem misericorditer presentari. Præstante eodem Domino nostro Jesu Christo Filio tuo, qui cum Patre, et Spiritu Sancto vivit, et regnat in sæcula sæculorum.

R. Amen.

V. Ora pro nobis sancta Dei genitrix.

R. Ut digni efficiamur promissionibus Christi.

V. Requiescamus in pace.

R. Amen.

Te Matrem, et reliqua, ut in Dominica pag. 255.

AD LAUDES.

Deus in adjutorium meum intende.

Domine ad adjuvandum me festina.

Gloria Patri, et Filio, etc.

Afia. Adjuva Domina.

Psalmus XCII.

Dominus regnavit, decorem induit: Matremque suam ornamento decoravit virtutum.

Adimpleat propitiationem suam in nobis Mater pacis: et viam æquitatis doceat servos suos.

Qui desideratis sapientiam Christi: servite Matri ejus animo reverenti.

Quis sufficiet enarrare opera tua Domina? aut quis investigabit thesauros misericordiæ tuæ?

Sustine, et adjuva deficientes in tentationibus suis: destina illos in sortem veritatis.

Maria, Mater gratiæ,
Mater misericordiæ,
Tu nos ab hoste protege,
Et mortis hora suscipe.

Añs. Adjuva Domina periclitantes in tentationibus, ne cadant: destina illos in sortem veritatis.

Añs. Respice Virgo.

Psalmus. LXV.

Jubilate Domine nostræ omnis terra: psallite hymnum nomini ejus, date honorificentiam majestati ejus.

Benedictum sit cor tuum Domina: quo sinceriter et ardentem tuum ac Dei Filium dilexisti.

Respice paupertatem meam gloriosa Virgo: miseriam et angustiam meam ne tardes auferre.

Aufer quoque tribulationem meam: dulcifica languorem meum.

Benedicat te omnis caro: et glorificet te omnis lingua.

Maria, Mater, etc.

Añs. Respice Virgo paupertatem meam gloriosa: miseriam et angustiam meam ne tardes auferre.

Añs. Custodi animam.

Psalmus LXII.

Deus, Deus meus: pro Matre tua te glorifico.

Virginaliter te concepit: et sine angustia te parturivit.

Benedicta sis, o Domina nostra: et pro nobis assiste ante thronum Dei.

Species et claritas in conspectu tuo: misericordia, et charitas in animo tuo.

Custodi animam meam Virgo benigna: ut numquam corruat in peccatum.

Maria, Mater, etc.

Añs. Custodi animam meam Virgo benigna, ut numquam corruat in peccatum.

Añs. Benedicamus.

CANTICUM.

INSTAR ILLIUS TRIUM PUERORUM.

Daniel 3.

Benedicite omnia opera Domine gloriosæ: laudate et superexalte eam in sæcula.

Benedicite Angli, Dominae nostrae: benedicite caeli, Dominae nostrae.

Benedicat omnis creatura Dominam nostram: quam Rex sic voluit benedici.

Benedicta sis o Summi Regis filia: quae odore praes cuncta lilia.

Benedicta sis corona Dominarum omnium: benedicta sis gloria Jerusalem.

Odor tuos sicut agri pleni cui benedixit Dominus; qui in benedicentes te redundat, irrigans omnia intima eorum.

Qui benedixerit tibi o Virgo beata: sit ille jugiter benedictus.

Qui maledixerit tibi rosa candidissima: sit ille maledictus.

Non recedat de domo servorum tuorum: Vini, et Olei abundantia.

In nomine tuo omne genu flectatur: caelestium terrestrium et infernorum.

Benedicamus Deum qui te creavit: benedictus uterque parens, qui te generavit.

Benedicta sis Domina in caelo et in terra: laudabilis, et gloriosa, et superexaltata in saecula.

Maria, Mater, etc.

Añã. Benedicamus Deum, qui creavit Mariam: benedicamus Mariam quae genuit Deum, et hominem.

Añã. Omnis spiritus.

Psalm CXLVIII.

Laudate Dominam de caelis: glorificate eam ni excelsis,

Laudate eam omnes homines, et jumenta: volucres caeli et pices maris.

Laudate eam sol et luna: stellae et circuli planetarum.

Laudate eam Cherubim et Seraphim: Throni Dominationes et Potestates.

Laudate eam omnes Legiones Angelorum: laudate eam omnes ordines spirituum superiorum.

Maria, Mater gratiae,
Mater misericordiae,
Tu nos ab hoste protege,
Et mortis hora suscipe.

Añã. Omnis spiritus laudet Mariam Dominam nostram.

ORATIO.

SANCTE MARIE VIRGINIS, EX DIVO AUGUSTINO.

DEPROMPTA.

Pro Dominica.

Memorare, piissima Virgo Maria, non esse auditum a saeculo quemquam ad tua currentem praesidia, tua implorantem suffragia, esse derelictum Ego tali animatus confidentia, ad te Virgo virginum, Mater curro, ad te venio coram te gemens peccator assisto: noli Mater Verbi, verba mea despiciere, sed audi propitia et exaudi. Amen.

PRO FERIA SECUNDA.

ORATIO S. PATRIS FRANCISCI.

In opuscul. fol. 19.

Absorbeat, quæso Domine, mentem meam ab omnibus quæ sub cælo sunt, ignita, et meliflua vis amoris tui, ut amore amoris tui moriar quia amore amoris mei dignatus es mori. Per temet ipsum Dei Filium qui cum Patre, etc.

PRO FERIA TERTIA.

ORATIO S. P. N. FRANCISCI.

In officio passionis.

Sancta Maria Virgo, non est tibi similis nata in mundo in mulieribus, Filia et Ancilla Altissimi Regis, Patris cælestis; Mater sanctissima Domini nostri Jesu Christi; Sponsa Spiritus Sancti: ora pro nobis cum Sancto Michaeli Archangelo, et omnibus virtutibus cælorum, et omnibus sanctis, tuum Sanctissimum Filium, dilectissimum, Dominum nostrum Magistrum. Amen.

PRO FERIA QUARTA.

ORATIO SERAPHICI D. D. BONAVENTURÆ.

In Psalt. V. B.

Omnipotens sempiternæ Deus qui pro nobis de castissima Virgine Maria nasci dignatus es;

fac nos tibi casto corpore servire, et humiliter placere. Qui cum Patre et Spiritu Sancto vivis et regnas in sæcula sæculorum. Amen.

PRO FERIA QUINTA.

ALIA ORATIO EJUSDEM S. D.

In eodem loco.

Oramus etiam te piissima Virgo Maria, Mundi Regina, Angelorum Domina, ut eis quos in Purgatorio ignis examinat, impetres refrigerium, peccatoribus indulgentiam, et justis perseverantiam, in bonam: nos quoque fragiles ab omnibus instantibus defende periculis. Per Dominum nostrum, etc.

PRO FERIA SEXTA.

O Domina mea Sancta Maria, me in tuam benedictam fidem, ac singularem custodiam, et in sinum misericordiæ tuæ hodie, et quotidie et in hora exitus mei, animam meam, et corpus meum tibi commendo, omnem spem meam, et consolationem meam, omnes angustias, et miseras meas, vitam et finem vitæ meæ tibi committo, ut per tuam sanctissimam intercessionem, et per tua merita, omnia mea dirigantur, et disponantur opera, secundum tuam, tuique Filii voluntatem. Amen.

PRO SABBATO.

O Maria Dei genitrix, et Virgo gratiosa, omnium desolatorum ad te clamantium consolatrix vera, per illud magnum gaudium quo consolata es, quando cognovisti Dominum Jesum die tertia à mortuis impassibilem resurrexisse, sis consolatrix animæ meæ; et apud eundem tuum, et Dei natum unigenitum in die novissimo, quando cum anima, et corpore ero resurrectus, et de singulis meis factis rationem redditurus, me digneris juvare ut perpetuæ damnationis sententiam per te pia Mater, et Virgo valeam evadere, et cum electis Dei omnibus ad æterna gaudia feliciter pervenire. Amen.

ORATIO AD B. VIRGINEM.

Mater Dei,
 Memor esto mei.
 Advocata peccatorum,
 Audi preces famulorum.
 Regina celorum,
 Regina in cordibus eorum.
 Inclita Mater,
 Inclina tuas aures.
 Alma quæ tuos beas,
 Audi preces meas.
 Domina Beatissima,
 Semperque amantissima.

Omniumque gratissima,
 Pulchra et immaculata.
 Super æthera exaltata,
 Audi amantem,
 Exaudi clamantem,
 Adjuva suspirantem.
 Clamat ad te peccator,
 Suspirat precator,
 Nunc vivens,
 Jam moriens,
 In lachrymabili via.
 Adjuva me, fove, et refove,
 O clemens, ô pia,
 O dulcis Virgo Maria.
 Amen.

CAPITULO V.

CORONA DE LOS DOLORES Y GOZOS DEL SEÑOR

SAN JOSÉ.

Hecha la señal de la cruz y el acto de contrición, dirá: Rezaremos la corona de los dolores y gozos del señor san José, á honra y gloria de Dios, de la santísima Virgen y en sufragio de las benditas almas del purgatorio, y á vos, santísimo Patriarca, os suplicamos nos alcanceis gracia para meditar con atencion ferviente vuestros dolores y gozos, para que imitándoos en vi-